



# MISA CON NENOS

## 11 de febreiro de 2017

### Ordinario 6º-B

#### Xornada de Mans Unidas

#### Evanxeo de Marcos 1, 40-45:

#### “Se queres, podes limparme”.

Mensaxe: Xesús LÍMPANOS, é a AUGA VIVA.



## 1. ACOLLIDA

Irmáns e irmás:

Neste domingo 6º do tempo ordinario, antes de empezar a Coresma, a Palabra de Deus mostraranos como os domingos pasados a Cristo, compasivo, curando as enfermidades e dores da xente. No leproso do Evanxeo estamos representados todos, necesitados curación, de perdón e de salvación. Con gozo participemos hoxe na celebración e non esquezamos darlle grazas, porque nos limpa, perdoa e salva.

Hoxe a Igrexa celebra a xornada de Mans Unidas, a Campaña contra a Fame, co lema: “Comparte o que importa”. Compartir o que importa é poñer en común a nosa vida e o noso compromiso por un mundo mellor no que os dereitos humanos sexan respectados e cada persoa poida dispoñer dos medios necesarios para vivir con dignidade.

*Podemos colocar o cartel de Mans Unidas ou un cartel dun corazón ferido no que nas ofrendas os nenos irán colocando tiriñas (alimentos, amor, perdón, medicinas, colexios, igualdade...)*

SAÚDO: No nome... *O Señor que salva e renova a nosa vida, sexa con todos vós.*

## 2. PERDÓN

*Das nosas faltas de acollida, de agarimo, de colaboración e de entrega, pedimos perdón a Deus Pai:*

-Ti que es bo e compasivo: *Señor, ten piedade de nós.*

-Ti que nos mostras o teu amor sandando os corazóns esnaquizados: *Cristo, ten piedade de nós.*

-Ti que sostés os pobres e te identificas con eles: *Señor, ten piedade de nós.*

## 3. MONICIÓN ÁS LECTURAS

O grito de Xob lamentándose pola situación de enfermidade e dor é semellante ao de tantos irmáns nosos que hoxe sofren a pobreza e necesidade. Paulo recórdanos o compromiso inescusable polo evanxeo dos que se atoparon con Cristo. Xesús no evanxeo busca a todos os aflixidos polo mal para devolverlles a saúde, a alegría e a paz; esta é a actitude do cristián: afanarse polos que o pasan mal, poñer nas vidas dos que nos rodean medicinas de proximidade e de agarimo.



## 4. PETICIÓNS

*Do mesmo xeito que o leproso, sabemos Señor que ti o podes todo. Co seu mesma humildade, elevamos a ti a nosa pregaría dicindo: R.- Limpas os nosos corazóns.*

1. Pola Igrexa, sacramento de salvación, para que sexa lugar de acollida e de consolo para os excluídos da nosa sociedade en tantas periferias. **Oremos.**
2. Polos que sofren no corpo e no seu espírito, para que atopen en nós apoio, escoita, agarimo e solidariedade. **Oremos.**
3. Por todos os que na Igrexa se senten marxinados para que sexamos man tendida e próxima para todos. **Oremos.**
4. Polos anciáns aos que ás veces retiramos das nosas preocupacións e polos nenos aos que non prestamos a debida protección e coidado. **Oremos.**
5. Para que no noso trato cos demais nunca discriminemos a ninguén e tendamos a man a todos. **Oremos.**
6. Por Mans Unidas, polos seus voluntarios e colaboradores para que entre todos escoitemos o clamor dos pobres e promovendo o desenvolvemento dos pobos. **Oremos.**

*Dáanos valentía, Señor, para comprometernos de verdade no que che pedimos.*

## 5. OFRENDAS

- MÁSCARAS CON PALABRAS AO REDOR (LEPRAS):** No Entroido disfrazámonos pero tantas veces no interior do noso corazón levamos escondidas diferentes lepras: egoísmo, violencia, discriminación, rexeitamento... Hoxe pedimos a Xesús que se achegue a nós, nos sande e nos limpe.
- TIRIÑAS** que os nenos van colocando nun corazón roto: Ofrecemos estas tiriñas que representan o noso desexo de non ferir nunca a ninguén e de curar con amor os corazóns feridos, como fixo Xesús.
- PAN E VIÑO:** Sen o pan, debilitámonos, a vida faise imposible, pero moitos non teñen que comer. Nesta Xornada da Campaña contra o Fame compartimos un pouco do noso para que o Señor o bendiga e a ninguén falte o pan material nin o pan da eucaristía.

## 6. VÍDEOS OU PPW PARA ESTE DOMINGO: 6º domingo do tempo ordinario- B

- A lepra, evanxeo: <https://www.youtube.com/watch?v=Tz-4whYvOmc>
- Xesús sanda un leproso, película: <https://www.youtube.com/watch?v=vT2-DI9k9mQ>
- Curación dun leproso, película: <https://www.youtube.com/watch?v=hVC-lij1WCU>
- Curación dun leproso, debuxos: <https://www.youtube.com/watch?v=6QkyZUGYyW0>
- Mc. 140-45, debuxos: <https://www.youtube.com/watch?v=iTQbx1Pp1PE>
- Querer é poder. Reflexión: <https://www.youtube.com/watch?v=ns8N1sUh5EE>

### VÍDEOS CAMPAÑA DE MANS UNIDAS:

- Cartel da Campaña 2018 de Mans Unidas. #ComparteLoQueImporta 0'20: [https://www.youtube.com/watch?time\\_continue=3&v=VxSErjgaPVM](https://www.youtube.com/watch?time_continue=3&v=VxSErjgaPVM)
- Vídeo da Campaña 2018 de Mans Unidas. #ComparteLoQueImporta 4'53 <https://www.youtube.com/watch?v=uTA9v2hfsKc>
- Acende a chama, Canción de Luis Cobos para Mans Unidas 2018: <https://www.youtube.com/watch?v=QgSyaWEkBrI>
- "Unha gran canción para unha gran obra"- Rosa López "Mans Unidas": <https://www.youtube.com/watch?v=oCkkBz4V36k>
- Páxina de Mans Unidas: <http://www.manosunidas.org/>

## 7. SUXESTIÓNS

- Nas zonas de Entroido poderíase facer un traballo con máscaras. Disfrazámonos para pasalo ben sen que nos coñezan. No interior do noso corazón levamos escondidas diferentes actitudes ou lepras: egoísmo, violencia, discriminación, rexeitamento... Cales son as nosas, que ocultamos? Hoxe pedimos a Xesús que se achegue a nós, nos sande e nos limpe.
- Tamén se poderá colocar xunto ao altar un corazón roto ou con feridas... (son as feridas da persoa ou da humanidade). Pensamos que tiriñas necesita para ilo curando... Ofrecemos estas tiriñas que representan o noso desexo de non ferir nunca a ninguén e de curar con amor os corazóns feridos, como fixo Xesús.
- Entramos na páxina de Mans Unidas (<http://www.manosunidas.org/>) e vemos o cartel da campaña deste ano. Tamén nos podemos informar dos proxectos que se intentan realizar ao longo deste ano e vemos se podemos apoiar algún poñéndonos en contacto coa delegación diocesana.
- Visitamos a delegación de misións do bispado e informámonos do labor dos misioneiros, pedímoslles que nos ensinen a revista Xesto, que nos dean a dirección dalgún misioneiro para escribirlle ou que nos informen dos festivais da canción misioneira.

### Na época de Xesús había moitos LEPROSOS, debido á falta de hixiene.

- + Os leprosos ía perdendo partes do seu corpo pouco a pouco: era **unha enfermidade moi dolorosa**.
- + Vivían nos montes o nas aforas, sos, eran illados da familia, non se lles permitía tocar nin abrazar e botábanos fóra das vilas e aldeas: **eran excluídos, marxidados**.
- + Esta enfermidade críase que era un castigo de Deus polos seus pecados ou polos dos seus antepasados: eran **considerados como pecadores**.



Vamos seguir  
plantándolle  
cara á fame  
do mundo  
compartindo  
o que importa.